

## Script of Morning Gojri News Bulletin 06 August 2024 at 1015Hrs

ما رنینگ گو جری نیو ز بلیٹن مو رخہ 06 اگست 2024

\*\*\*\*\*

یوہ آکا شوانی جموں ہے محبوب سلطانی تیں خبر سُنو۔

### Reddy JK Assembly Election

مرکزی وزیر جی کشن ریڈی نے پچھلا روز کہیو ہے جے جموں کشمیر مانہ اسمبلی انتخابات ستمبر گا مہینہ مانہ کرایا جائیں گا۔ اُنہاں نے کہیو ہے دفعہ 370 غی منسوخی توں بعد جموں کشمیر مانہ پاکستان تے اس غی خُفیہ ایجنسی آئی ایس آئی غی سرگرمیاں نانہ بڑا پیمانہ ور روک دتو گیو ہے۔ جناب دیڈی جھیڑا کہ جموں کشمیر مانہ بی جے پی غا انتخابی انچارج وی ہیں نے پچھلا تہاڑے آر ایس پو رہ غا بانا سنگھ میدان مانہ بی جے پی غی طرفوں دفعہ 370 غی منسوخی غی 5 ویں سالگراہ ور منعقد کی گئی اک ریلی سنگ خطاب غے دوران کیو۔ اُنہاں نے دفعہ 370 غی منسوخی نانہ مُلک تے جموں کشمیر غا لوکاں واسطے اک قابلِ فخرلمحو قرار دتو۔ جناب ریڈی نے اس موقعہ و ر بھارتیہ جن سنگ غا با نی شیامہ پرساد مکھرجی نے وی یا د کیو۔ جنہاں نے دفعہ 370 غی مخالفت کرتاں واں اپنی جان قربان کر دتی تھی۔

-----

### LG Sinha

لیفٹنٹ گو رنر منو ج سنہا نے اک بیان مانہ کہیو ہے جے جموں کشمیر مانہ آہستہ آہستہ پُختہ امن واپس آریو ہے۔ اس ضمن مانہ اُنہاں نے کہیو ہے جے پچھلا 5 بہراں مانہ مرکزی زیر انتظام جموں کشمیر مانہ جمہوریت غی جڑ ڈونگی ہو ئی ہیں تے ووٹراں غی پُر جو ش شرکت مانہ ریکارڈ تعداد مانہ بابدو ہو وے۔ جناب سنہا نے کہیو ہے جے حالیہ کرایا گیا لوک سبھا غا چناؤ مانہ لوکاں غی طرفوں بدھ چڑھ غے حصو لینو لوکاں غا اعتماد تے جمہوریت مانہ بھروسو اس گل غو ثبوت ہے۔ اُنہاں نے کہیو ہے جے وزیر اعظم نریندرمودی غی رہنمائی مانہ جامع ترقی تے سماجی برابری اندر جموں کشمیر متاثر کُن رفتار اندر ترقی کر ریو ہے۔ ایل جی موصوف غو کہنو تھو جے معاشرہ غا معاشی طور ور کمزور طبقات نانہ باختیار بنایو گیو ہے۔ تے جموں کشمیر

غی مجموعی معیشت متاثر کُن رفتار سنگ ترقی وی کر رہی ہے۔ اُن غو مزید کہنو تھو جے بکھ بکھ شعباں بشمول صحت، تعلیم، عوامی کم کاج، شہری تے گرائیں ترقی، تے بجلی آلا محکمہ مانہہ پچھلا 5 بہراں اندر تیزی سنگ ترقی اور تبدیلی بونی یوٹی غی تا ریخ غی مثال ہے۔ 5 اگست 2019 توں بعد اس گل غو وی ثبوت ہے جے خواتین، نوجواناں، کساناں تے صنعتکاراں نے اپنا آپ نانہہ بہترین بناویو ہے تے وے مُلک غی ترقی مانہہ اپنو حصو بھا رہیا ہیں۔ جی 20 سیا حتی کم کاجی گروپ غی میٹنگ نے عالمی شراکت داری واسطے نوی راہ کھولی ہیں۔ جس سنگ جموں کشمیر غی سیاحتی صلاحیت نانہہ باندے آن مانہہ مدد ملی ہے۔ تے جموں کشمیر مانہہ 2023 غے دوران 2 عشاریہ 11 کروڑ سیلانیوں نے جموں کشمیر غو دورو لایو ہے۔ جھیڑو کہ اپنا آپ مانہہ اک ریکارڈ ہے۔

Chief Secretary

چیف سیکریٹری اتل ڈلو نے پچھلے تہاڑے پولیس نے سیول انتظامیہ غا سینئر افسراں غی اک میٹنگ منعقد کر غے یوم آزادی تیں پہلاں چل رہی سرگرمیاں تے ”بر گھر ترنگا“ پروگرام با رے واضع کردہ پلان غو جائزولیو۔ اس تیں علا وہ اُنہاں نے 1 اگست توں شروع کی گئی ”سو چھتا پکھواڑہ“ مہم نانہہ اگے بدھان مانہہ بر محکمہ تے ضلع غی طرفوں کی گئی پیش رفت غو مکمل جائزولیو گیو۔ جناب ڈلو نے متعلقہ محکماں تے ضلعاں غی طرفوں شجر کاری مہم تے خصوصی طور ”ایک پیڑ شہیدوں کے نام“ مہم بارے چایا گیا اقدام با رے وی جانکاری حاصل کی۔ اُنہاں نے اس موقعہ ور یوٹی جموں کشمیر مانہہ یوم آزادی غی جشنی تقریب غا ہموار انعقاد با رے تیاریاں غو جائزولیو۔ تے اس تیں علا وہ اُنہاں نے صوبائی کمشنراں تے متعلقہ ڈپٹی کمشنراں توں حفاظتی غا کڑا بندو بست تے دوجا اقدامات با رے وی جانکاری حاصل کی۔ اُنہاں نے ”بر گھرترنگا“ مہم نانہہ جموں کشمیر مانہہ کامیاب بنان واسطے انتظامات کرن ور وی زور پایو۔

DC Rajouri

ضلع ترقیاتی کمشنر راجو ری اوم پرکاش بھگت نے ”جل جیون مشن“ جموں کشمیر غا مشن ڈائریکٹر ڈاکٹر غلام نبی اتو نے پچھلے تہاڑے اک میٹنگ غی صدارت کر غے ضلع راجو ری مانہ ”جل جیون مشن“ غا فلیگ شپ پروگرام با رے تفصیلی جائزو لیو۔ اس موقعہ ور انہاں نانہ جانکا ری دتی گئی جے 298 سکیم جن غی کُل لا گت 1 ہزار 7 سو 40 کروڑ روپیہ بے غو منصوبو بنایو گیو بے تا نجے ضلع غی تمام 1عشاریہ 33 لکھ کہراں نانہ نلکا غے ذریعے پانی پجان تے دیگر ضروری ڈھانچاں نانہ تیار کیو جا سکے۔ اس تیں علا وہ مزید جانکا ری دتی گئی جے 629 سول کم کاج وچوں 5 سو 94 ور کم کاج جا ری بے۔

#### Panchyat Secretaries

محکمہ دیہی ترقی تے پنچایتی راج غا سیکریٹری ڈاکٹر شاہد اقبال چودھری نے پچھلے تہاڑے جموں مانہ حالیہ نواں تعینات کیا گیا پنچایت سیکریٹریاں واسطے 28 تہاڑاں ور مشتمل تربیتی پروگرام غو افتتاح کیو بے۔ اس تربیتی پروگرام غو مقصد نواں پھرتی کیا گیا پنچایت سیکریٹریاں نانہ ضروری بُنر تے اپنا کردار با رے جانکا ری دینو بے تا نجے وے متعلقہ پنچایتاں غی ترقی مانہ اپنو کردار موثر طریقہ سنگ ادا کر سکیں۔ سیکریٹری موصوف نے اس پروگرام مانہ حصو لین آلاں غی حوصلہ افزائی کی تے انہاں نانہ زمینی حقائق غی مکمل جانکا ری واسطے براہ راست لوکاں سنگ جُڑیا ربن با رے وی کہیو۔ اس تیں علا وہ دیہی ترقی محکمہ جموں غا ڈائریکٹر ممتاز علی نے بکھ بکھ سکیمان تے پروگراماں با رے تفصیلی جانکا ری فراہم کی۔

#### Reasi Tobacco

ضلع میجسٹریٹ ریا سی غی طرفوں جا ری کردہ حُکم نامہ مانہ بھارتی نا گریک سُرکشا سنہیتا 2023 غی سیکشن 163 غے تحت تمباکو آلی چیز بشمول گُٹکو، سیگریٹ تے دیگر غی فروخت تے استعمال ور سب ڈویژن کٹڑا غی مو ری چیک پوسٹ، پینتھل ناکا، تارا کوٹ رستہ غی شروعاتی جگہ تیں علا وہ ماتا ویشنو دیوی بھون تے رستہ ور مکمل پابندی عائد کر دتی بے۔ اس حُکم نامہ مانہ مزید دسیو گیو

بے کہ اگڑ کو ئی وی شخص اس غی خلاف ورزی کرتاں پایو گیو تاں اُس ور بھارتیہ نیا  
ئے سنہیتا 2023 غی سیکشن 223 غے تحت کا روائی کی جائے گی۔

-----  
DC Udhampur

ڈپٹی کمشنر اُدھم پور سلونی رائے نے پچھلا تہاڑے ڈی سی دفتر کمپلیکس غا منی  
کانفرنس حال مانہہ افسراں غی اک میٹنگ بلا غے ضلع مانہہ ڈینگو غی بیماری غی  
روک تھام با رے چایا اقدام غو جائزو لیو۔ اُنہاں نے ڈینگو غا معاملہ غی روک تھام، مو  
ت غی شرح نانہہ کہٹ کرن با رے اقدامات ور زور پایو۔ اُنہاں نے محکمہ صحت غی  
نگرانی نانہہ بدھان، بروقت علاج نانہہ یقینی بنان با رے موثر اقدام نانہہ نافذ کرن غی  
بدایت وی دتی۔ محترمہ سلونی رائے نے ڈینگو غی روک تھام تے بچاؤ با رے عوام مانہہ  
بیداری پیدا کرن ور وی زور پایو۔

-----  
اس غے نال ہی خبراں غو یوہ بلیٹن ختم ہوؤ۔